

**Ang Uniberso ang Kasaysayan segun sa Pamatigayon sa Dios—
Ang Diosnong Kasaysayan sulod sa Kasaysayan sa Tawo**

Basahong Kasulatan: Joel 1:4; 2:28-32; 3:11-21; Efe. 3:16-21; 4:15-16; Bug. 19:7-9; 22:17

I. Dunay duha ka kasaysayan dinhi sa uniberso: ang kasaysayan sa tawo, ug ang kasaysayan sa Dios; sama sa kabhang ang kasaysayan sa tawo, ug sama sa unod sulod sa kabhang ang kasaysayan sa Dios:

- A. Klaro gyod unta tang makakita sa kasaysayan sa Dios sulod sa kasaysayan sa tawo—Joel 1:4; 2:28-32; 3:11-21:
1. Dayag ang kasaysayan sa tawo, ang kasaysayan sa kalibotan, ang pisikal, tawhanong kasaysayan; sulodnon ang kasaysayan sa Dios uban sa tawo ug diha sa tawo; may kalabotan kini sa misteryo sa Tulo-usang Dios diha sa katawhan—1 Tim. 3:15-16:
 - a. Sa wala pa magpakatawo si Cristo nagbuhat ang Dios uban sa mga tawo ug diha sa mga tawo; dili kini direktang pagbuhat Niya aron matuman ang Iyang walay kataposang pamatigayon alang ni Cristo ug sa iglesia kondili dili direktang pagbuhat Niya diha sa Iyang daang kabuhatan aron mangandam alang sa direktang pagbuhat Niya diha sa Iyang bag-ong kabuhatan alang sa Iyang walay kataposang pamatigayon.
 - b. Dunay duha ka bahin ang kasaysayan sa Dios—ang kasaysayan sa Dios *uban* sa tawo, nga makita sa Daang Tugon, ug ang kasaysayan sa Dios *diha* sa tawo, nga makita sa Bag-ong Tugon.
 - c. Nagsugod sa pagpakatawo ang kasaysayan sa Dios diha sa tawo ug nipadayon sa Iyang mga kahikayan sa pagpakatawo, pagkinabuhi ingog tawo, pagkalansang sa krus, pagkabanhaw, ug pagkayab; niingon ang Oseas 11:4 nga kini ang mga lubid sa tawo, ang mga bugkos sa gugma.
 2. Ang diosnong kasaysayan, ang kasaysayan sa Dios diha sa tawo, nagsugod sa pagpakatawo ni Cristo ngadto sa Iyang pagkayab aron mahimong Espiritung taghatag-og-kinabuhi ug nipadayon sa pagpuyo Niya sa sulod nato pinaagi sa organicong kaluwasan sa Dios sa pag-anak pag-usab, pagbalaan, pagbag-o, pagtransporma, pagpasama, ug paghimaya aron himoon tang mahimayaong pangasaw-onon ni Cristo—Rom. 5:10; Efe. 5:27; Bug. 19:7-9.
 3. Mahuman kini diha ni Cristo nga Espiritu, ang nahikay ug nahingpit nga Tulo-usang Dios, nga magminyo sa iglesia nga pangasaw-onon, ang nahikay ug natranspormang tawo nga dunay tulo-ka-bahin—22:17.
 4. Sa pagbalik sa Ginoo, magtagbo ang duha ka persona—si Anticristo, nga persona diha sa dayag nga kasaysayan sa tawo, ug si Cristo, nga Persona diha sa tiunay nga kasaysayan sa Dios—2 Tes. 2:2-8:
 - a. Mobalik si Cristo, manaog uban sa Iyang mga mananaog nga kasundalohan Niya (Joel 3:11) aron mopildi ni Anticristo ug sa kasundalohan niya (Bug. 19:11-12).
 - b. Sa mapildi na sa Persona sa kasaysayan sa Dios ang persona sa kasaysayan sa tawo, modangat na ang usa-ka-libo-ka-tuig nga gingharian, ug

mahingpit kining ginghariana sa Bag-ong Jerusalem—sa kinataposan ug kinahingpitang hugna sa kasaysayan sa Dios—20:4, 6; 21:10.

- B. Hunahunaon gyod nato kon nagkinabuhi ba ta diha lang sa kasaysayan sa tawo o nagkinabuhi ba sab ta diha sa kasaysayan Dios—1:11, 20; 12:11; 14:4; 19:7:
1. Gipanganak tang tanan diha sa kasaysayan sa tawo, apan gipanganak na ta pag-usab diha sa kasaysayan sa Dios—Juan 3:6.
 2. Kon naa sa kalibotan ang pagkinabuhi nato, nagkinabuhi ra ta diha sa dayag nga kasaysayan sa tawo—Rom. 12:1-2; 1 Juan 2:15-17.
 3. Kon nagkinabuhi ta diha sa iglesia, nagkinabuhi ta diha sa sulodnong kasaysayan sa Dios—1 Cor. 1:2.
 4. Kay pagdako man sa pagpadayag ni Cristo, bahin ang iglesia sa kasaysayan sa Dios nga naa sa dayag nga kasaysayan sa tawo—1 Tim. 3:15-16.
 - a. Sa iglesiahonong kinabuhi, kasaysayan nato ang kasaysayan sa Dios; usa ra ang kasaysayan nato ug sa Dios, ang diosnong kasaysayan; kahibulongan ang kasaysayan sa atong Dios nga naglakip nato; nahimong kasaysayan nato ang kasaysayan sa Dios kay nausa man Siya nato—1 Cor. 6:17.
 - b. Tanang nabuhat sa Dios, tanang gibuhay Niya karon, ug tanang buhaton unya Niya diha sa Iyang kasaysayan alang gyod sa Cristohanong kinabuhi ug iglesiahonong kinabuhi nato.
- C. “Mahimo gyod untang bahin sa kasaysayan sa Dios diha sa kahibulongan ug maayo kaayong buhat Niya dinhi sa yuta karon ang atong pagkinabuhi, inadlawng paggawi, pag-eskwela, pagpanarbaho, ug pagnegosyo....Mausa gyod unta ta sa Dios sa Iyang kasaysayan, nga nagbuhat ug nagpalagsik sa mahigugmaong mga mananaog Niya; sa ato pa, mausa gyod unta ta sa Dios diha sa kinabuhi, pagkinabuhi, ug sa tanang pagbuhat nato karon dinhi sa yuta! Isulat gyod nato ang kasaysayan sa Dios karon!” (*Life-study of Joshua*, p. 3).

II. Diha sa kasaysayan sa Dios ang gipahiuli karon mao ang pamatigayon sa Dios, nga gipatumong sa sentrong buhat sa Dios—pagbuhat sa Iyang Kaugalingon diha ni Cristo nganha sa pinili ug tinubos Niyang katawhan, mag-usa sa Iyang Kaugalingon kanila aron mapadayag Siya—Efe. 3:16-17; 4:4-6:

- A. Ang kinataposang buhat sa Dios sa pahiuli Niya aron matuman ang Iyang pamatigayon pagbuhat man sa Iyang Kaugalingon—sa Amahan, sa Anak, ug sa Espiritu—kanato ug mahimong atong kinabuhi aron magkinabuhi ug magpadayag ta Niya ingon nga Iyang Lawas, ang iglesia—3:16-21; 4:4-6, 15-16.
- B. Ang pamatigayon sa Dios paghimo man ni Cristo nga tanan, paghimo Niya nga sentro ug uniberso, aron mapalugwa ang pagtubo, ang pagdako Niya, nga mao ang iglesia; ang pagtubo, ang pagdako sa Dios mao ang kahupnganan Niya nga magpadayag Niya—Col. 1:18; 2:19; 3:10-11; Efe. 3:19.
- C. Sa pamatigayon sa Dios gusto Niyang iumol ang Iyang Kaugalingon sa tawo aron mausa Siya nato, mahimong atong kinabuhi, sangkap sa kinabuhi, ug tanan, ug aron mahimo tang pagpadayag Niya; busa, ang tuyo sa Dios sa pamatigayon Niya pagpakabaton mag hiniusang persona, nga hinimo sa Dios ug tawo, nga magpadayag Niya sa eternidad—4:4-6.
- D. Segun sa Iyang pamatigayon, magbuot ang Dios sa kalibotan, magpalugwag sitwasyon aron mahimong pinili Niya ang Israel, mabatonan ang iglesia nga misteryosong katawhan Niya, ug maghimo sa mga nasod nga mga katawhan sa

walay kataposang gingharian sa Dios; kon makita nato kini, masayod ta kon hain na ta, ug mahibalo ta sa kahulogan sa tawhanong kinabuhi nato—2 Tim. 1:9; Rom. 8:28-30.

- E. Duna gyod unta tay klarong panan-awon sa pamatigayon sa Dios ug madumalahan, makontrol, magiyahan, maampingan, ug mapanalipdan ning panan-awona; diha sa pahiuili sa Ginoo karon magmakusganon gyod ta ug dili matarog diha sa panan-awon sa pamatigayon sa Dios—Buh. 26:19; Prov. 29:18.
- F. Ang kinataposang buhat sa Dios pagpasulod man ni Cristo nga misteryo sa Dios kanato isip atong kinabuhi aron mahimo tang buhing mga bahin Niya ug magporma sa Lawas Niya, nga mao ang kahupnganan Niya nga nagpuno sa tanan diha sa tanan—Col. 2:2; 1:27; 3:4; 2:19; Efe. 1:22-23:
 - 1. Ang mga nagkinabuhi ni Cristo, nagkinabuhi diha sa espiritu, mao ang aktwal nga hiniusang Lawas ni Cristo; sila sab ang usang bag-ong tawo sa aktwal gyod, ang bag-ong binuhat nga bag-og pagkinabuhi aron magpadayag sa Tulo-usang Dios—4:16, 24.
 - 2. Sa kaulahian, modangat ang kinabuhi sa Lawas sa realidad sa Roma 12, ug kini unya ang pagpangandam sa pangasaw-onon aron mobalik na ang Ginoo—Bug. 19:7.
 - 3. “Magpaluwan gyod ka sa kinataposang buhat sa Dios. Makita dayon nimo nga nausa ang Dios nimo, ug wala nay problema sa imong pagkinabuhi” (*The World Situation and God’s Move*, p. 43).
 - 4. “Bangon ug tindog alang sa pahiuili sa Ginoo. Kini ang kinataposang panahon nga tumanon Niya ang Iyang tuyo aron makabalik na Siya” (p. 58).